

濟世金丹

子

孚佑帝君濟世金丹

子

孚佑帝君降乩贊

諸仙宣化遼海邊。普渡飛鸞衆良緣。收原因。登法船。苦海  
無邊。回頭是岸。沙盤案。設吐機語。木筆懸空。龍蛇篆。轉瞬千  
行語。口吐成詩篇。李白斗酒才。七步曹子健。未能如此速。成文  
轉目間。未見神仙。祇見飛鸞。未聞佛語。祇見鸞生高聲喧。  
心疑神仙在那邊。豈不知耳聽八方語。日赴九千壇。妙中妙。  
玄中玄。老子一炁化三清。形生萬朵紫金蓮。千江有水千江  
月。萬里無雲萬里天。






# 瑶池金母

獨坐瑤池九品臺  
思兒終日淚盈腮  
不知何日回家轉  
好赴蟠桃樂滿懷



太初神后。混沌聖人。主宰魁罡。蟠桃仙會。躬居高  
上之境。皇胎喚醒。早登極樂之鄉。慈心一片。常掛  
仲秋之月。丹成九鼎。道濟下方之生。統攝萬靈。游  
行三界。船盪苦海。拯皇兒於水火之中。法垂大地。  
作玄嗣於梯航之上。大悲大願。大聖大慈。先天一  
炁。無極聖皇。開天神后。西華金母。元皇上帝。

觀音大士像



青華聖境。東極上宮。十方宣化。渡衆生。百億瑞光  
瞻妙相。卽隨機而赴應。聞悲聲而救苦。由誓願以  
宏深。因慈心而未盡。九色蓮花。作慈航之彼岸。一  
枝楊柳。灑甘露之法門。具大神通。忽現千般手眼。  
是真佛力。總由一念慈悲。苦海乘舟。無量普渡。大  
悲大願。大聖大慈。廣大靈威。觀世音菩薩。太乙尋  
聲救苦天尊。



# 麻姑像

醞釀長生酒不難。只  
憑手內有靈丹。何  
儂本是天仙子。醉  
共嫦娥宿廣寒。



閒行蓬島驪珠探。掬水靜觀月印潭。手摘星辰藏  
玉鼎。肩挑日月裝花籃。烹丹採氣雲歸北。煉海燒  
山斗指南。朝夕飛鸞隨王母。瑞雲山下談玄玄。  
我本崑崙女散仙。曾看海水變桑田。神通八極閒  
遊戲。環佩聲搖碧落邊。

髻頭高挿羨金華。拜到西池阿母家。嫋嫋天風吹  
袖帶。步虛全仗紫雲車。

達摩老祖像

海籌萬古計芳辰。得  
道年來不記春。分個  
孩兒騎鶴去。虛空粉碎見金身。



東印生身南瞻正果。長蘆下功。少林冷坐。來時單  
身渡洪江。去際隻履脫塵鎖。噫只因你。當年傳法  
留衣鉢。惹出後世獅子一大夥。  
虎在門前鶴在廬。瑤笙宛轉笛相如。我來不是雲  
山客。湘水之流曲折書。



慈風法雨遍坤乾正氣英靈達地天若問烈魂何所在而今紫  
府為神仙

關聖帝君

讀春秋秉燭防嫌  
大節留桃園不似  
舊空遺恨滿荊州



太上神威。英文雄武。精忠大義。高節清廉。協運皇圖。德崇演  
正。掌儒道釋教之權。管天地人才之柄。上司三十六天。星辰雲漢。下  
轄七十二地。冥壘幽艷。東注人生功德。延壽丹書。執定生死罪  
過。奪命黑籍。考察諸佛神監。制羣仙羣職。高證妙果。無量  
度人。至靈至聖。至上至尊。伏魔大帝。闕聖帝君。大悲大願。  
大聖大慈。玉清首相。真元顯應。照明翼漢天尊。

讚詩

春秋一部照丹田。志壯山河萬古鮮。剛者英風塞宇宙。浩然正氣貫  
坤乾。忠心引出壺中月。義膽推開雪外天。四海香烟冲漢表。無為處處圖中春。

# 文昌帝君

雲外瑞山九疊青。閉窗  
對嶂讀黃庭。但中有  
景何人識。拋卷翻身  
入翠屏。



桂香內殿。文昌左宮。歷七十二化之法身。經百千萬之運數。育  
嗣天下。演教人間。積忠孝以成神。德音永饗。舉陰陽而垂訓。師  
表常尊。衍文教於垣微。功能垂世。掌魁名於紫府。德可配天。宣  
化忠孝為本。同登彼岸。闡教功德為先。早步雲梯。大悲大願。大  
忠大孝。大聖大慈。九天輔化真宰仙。文昌梓潼帝君。七曲毓聖  
天尊。

宣化飛鸞歲幾更蓬萊長嘯呂先生  
問余近日居何處天上神仙住玉京

# 孚佑帝君

一劍橫秋清風兩袖  
道在瑞山丹成轉九  
蒼梧北海白雲帝鄉  
甘河一滴源遠流長

